

Surxondaryo deganda, insoniyat sivilizatsiyasining beshiklaridan biri, buyuk tarix va boy merosga ega bo'lgan qadimiy va betakror o'lka ko'z o'ngimizda namoyon bo'ladi.

Islom KARIMOV

Tong yulduzi

Vatan yagonadir,
Vatan bittadir!

N:3 (67012)
2015-yil
19-yanvar

www.tongyulduzi.uz

Gazeta 1929-yil 1-avgustdan chiqa boshlagan O'zbekiston Respublikasi bolalar va o'smirlar gazetasi ISSN - 2010-6092

Kundan kunga yashnaydi Surxon, Ona yurtim gullagan ma'kon!



Prezidentimizning
Farmoniga muvofiq,
Termiz shahri Amir
Temur ordeni bilan
mukofotlandi.

MENING KO'NGIL DIYORIMSAN

Seni olqishlagay dunyo
hayot bog'bonisan, Termiz,
Dilim ichra ziyo sochgan
mehr ummonisan, Termiz.

Kezib dilxush quchog'ingda
milsiz bog'-u rog'ingda,
Oqar Jayhun qarog'ingda
quyoshning konisan, Termiz.

Yoshargan navbahorimsan,
mening ko'ngil diyorimsan,
Mudom baxtimda borimsan,
yo'lim poyonisan, Termiz.

Kechib zahmat- ziyonlardan,
hisobsiz imtihonlardan,
Oshib yuksak dovonlardan
Humo posbonisan, Termiz.

Muborak bu ulug' kunlar,
kelar yulduz sochib tunlar,
Yarashgay oltin ustunlar,
jahon ayvonisan, Termiz.

Makonsan pahlavonlarga,
samodil qahramonlarga,
Boqib nurli zamonlarga,
Vatan qalqonisan, Termiz.

Ko'rib el-yurtini e'zozin,
olar Axtamquli sozin,
Buyuk Sohibqiron so'zin,
muqaddas shonisan, Termiz.

AXTAMQULI

**MAXSUS
SON** SURXONDARYO VILOYATI XALQ TA'LIMI
MUASSASALARI FAOLIYATIGA BAG'ISHLANGAN

TERMIZIYLAR IZDOSHLARIMIZ



Alisher PARDAYEV,
Surxondaryo viloyat Xalq
ta'limi boshqarmasi boshlig'i

Barcha ta'lim muassasalarida o'quv-tarbiya jarayonlari sifatini tubdan yaxshilash, darslarda milliy g'oya, bag'rikenglik, mafkuramizning asosiy maqsad va yo'nalishlarini muntazam tushuntirish ishlari olib borilmoqda.

Umumta'lim maktablari o'quvchilarining huquqiy bilimlarini oshirish maqsadida «Huquq bilimdonlari» tanlovining o'tgan yilgi viloyat bosqichida Jarqo'rg'on tumanidagi 24-umumta'lim maktabining «Minor» jamoasi 1-o'rinni, Sherobod tumanidagi 9-umumta'lim maktabining «Mezon» jamoasi va Angor tumanidagi 3-umumta'lim maktabining «Yosh huquqshunoslar» jamoasi 2-o'rinni, Denov tumanidagi 81-umumta'lim maktabining «Adolat» jamoasi va Boysun tumanidagi 47-umumta'lim maktabining «Qalqon» jamoasi hamda Qumqo'rg'on tumanidagi 35-umumta'lim maktabining «Turon» jamoasi 3-o'rinni egallashdi. Tanlovda g'olib bo'lgan «Minor» jamoasi Toshkent shahrida o'tkazilgan respublika bosqichida 3-o'rinni egallashga muvaffaq bo'ldi.

Bolalar musiqa va san'at maktablarini rivojlantirish hamda zamonaviy moddiy-texnik bazasini shakllantirish uchun barcha shart-sharoitlar yaratilgan.



M.Qoriyoqubov nomidagi ko'rik-tanlovning respublika bosqichida Sho'rchi tumanidagi 7-BMSM o'quvchisi Elmurod To'rayev doira an'anaviy yo'nalishi bo'yicha, Nafisa Erkinova dutor akadem yo'nalishi bo'yicha 1-o'rinni, Denov tumanidagi 14-BMSM o'quvchisi Bobomurod Bekmurodov nay an'anaviy yo'nalishi bo'yicha 2-o'rinni, Sherobod tumanidagi 8-BMSM o'quvchisi Behruz Jo'rayev g'ijjak an'anaviy yo'nalishi bo'yicha 2-o'rinni, Jarqo'rg'on tumanidagi 5-BMSM o'quvchisi Maftuna Boltayeva raqs yo'nalishi bo'yicha 3-o'rinni, Qiziriq tumanidagi 12-BMSM 5-sinf o'quvchisi Baxtiyor Ne'matov qashqar rubob an'anaviy yo'nalish bo'yicha 3-o'rinni, Boysun tumanidagi 6-BMSM o'quvchisi Zilola Xayrullayeva an'anaviy xonandalik yo'nalishi bo'yicha 3-o'rinni egalladilar.

O'quvchilarning bo'sh vaqtini mazmunli o'tkazish maqsadida qiziqishlari asosida sport va fan to'garaklari tashkil etilgan. Bundan tashqari, barcha ta'lim muassasalarida «Ustoz-shogird»

an'anasi bo'yicha 57 841 nafar o'quvchilar 3257 nafar o'qituvchilarga birlashtirilgan. «Oila – mahalla – ta'lim muassasasi» hamkorligini kuchaytirish ishlari olib borish uchun o'qituvchilarning ota-onalari va mahalla faollari bilan ma'rifiy tadbirlar o'tkazish tashkil etilgan.

Yosh kitobxonlarni axborot-resurs markaziga ko'proq jalb etish, ularning bo'sh vaqtlarini mazmunli o'tkazishlariga ko'maklashish maqsadida markazning maktabgacha va kichik yoshdagi bolalarga xizmat ko'rsatish bo'limida turli xil qiziquvchilar klublari ish olib bormoqda. Jumladan, «Mohir qo'llar», «Yosh musavvirlar» klublariga 100 dan ortiq bolalar a'zo qilinib, ular bilan muntazam ravishda mashg'ulotlar o'tkazilib kelinmoqda.

An'anaviy «Kitobxonlar bayrami» tadbirlari doirasidagi «Bir farzandga uch kitob» aksiyasida viloyat Xalq ta'limi boshqarmasi tizimidagi 856 ta umumta'lim muassasalarining o'quvchilariga ota-onalar tomonidan ular sevib o'qiydigan kitoblarni sovg'a qilindi.

Viloyat bosqichida 1-o'rinni egallagan Boysun tumanidagi 35-umumta'lim maktabi jamoasi sharafini himoya qilgan Ulug'oy Abdurkarimova Toshkent shahrida o'tkazilgan ko'rik-tanlovning respublika bosqichida faol ishtirok etib, faxrli 2-o'rinni qo'lga kiritdi.

«Sog'lom bola yili» munosabati bilan Respublika bolalar kutubxonasi, O'zbekiston Yozuvchilar uyushmasi va «Tong yulduzi» gazetasi bilan hamkorlikda o'tkazilib kelinayotgan «Mustaqillik madhi bolalar ijodida» respublika ko'rik-tanloviga 138 nafar ijodkor o'quvchilarning ijodiy ishlari tavsiya etildi. Angor, Denov, Qumqo'rg'on tumanlari hamda Termiz shahridan yuborilgan o'quvchilarning ijod namunalari «Tong yulduzi» gazetasi sahifalarida yoritib borildi.

Bilim maskanlarida olib borilayotgan ishlar haqida yana ko'plab misollar keltirishimiz mumkin. Eng asosiysi, buyuk termiziylar izdoshlari bo'lgan yoshlarimizning asl maqsadi kelajakda yetuk mutaxassislar bo'lib, ona Vatan xizmatiga sadoqat bilan yondashishdir.



Ko'pkari. Xalqimizning qadimiy qadriyatlaridan biri. Bugungi kungacha bardavom bo'lib kelayotgan bu ommaviy o'yin tomoshabinlarga hamisha o'zgacha zavq bag'ishlaydi. Uloq chopuvchi chavandozlar ko'pkari oldidan otlarini maydonga shaylash uchun puxta hozirlik ko'radilar. O'zida ishonch hosil qilgan chavandozgina raqiblarini dog'da qoldirib, uloqni davradan olib chiqishga va minglab tomoshabinlar olqishiga sazovor bo'ladi.

ULOQ SURXONLIKLARDA KETDI

Surxondaryo viloyati o'qituvchi va o'quvchilari faoliyatiga bag'ishlangan maxsus sonni tayyorlash jarayonida negadir ko'pkari xayolimizga keldi. Ta'bir joiz bo'lsa, yil yakunida

Obuna-2015



gazeta va jurnallarga obuna bo'lish ham xuddi

ko'pkariga o'xshaydi. Nashrimizga obuna bo'lishda o'tgan yil yakuniga ko'ra ajoyib holatlar yuz berdi. Hech kutilmaganda Qoraqalpog'iston Respublikasi, Jizzax, Qashqadaryo viloyati, Toshkent shahri o'quvchilari obuna bo'lishda sovrindorlar qatoridan munosib joy oldilar. Har doim peshqadamlikni qo'ldan bermay keladigan vodik viloyatlari hamda Samarqand viloyati o'quvchilarini ham dog'da qoldirishdi. Obuna yakunlanishi arafasida esa surxonlik o'quvchilar mingan tulporlar yanada chopag'onligi ma'lum bo'lib qoldi. Ular birin-ketin barcha chavandozlarni ortda qoldira boshladilar. Yakunda esa marraning oldingi qatoridan munosib joy oldilar. Alpomish yurti o'g'lonlariga hammaning havasi keldi.

Ularining yutuqlari bilan yaqindan tanishish naqadar zavqli. Biz shu fikrdamiz. Gazetamizni varaqlar ekansiz, sizning ham yuragingizni shunday tuyg'ular qamrab olishi shubhasiz. Keling, birgalikda zavqlanamiz.



SHARQNING AHRI ULUG'VOR

Qadimiy Baqtriya, Kushonlar davlati, toharlar o'lkasining markaziy qal'alaridan biri hisoblangan, Amudaryoning o'ng sohilida joylashgan, tarixda Tarmita, Tarmantis, Oks Iskandariyasi, Oks Antioxiyasi, G'ulg'ula kabi nomlar bilan atalgan Termiz Sharqning ulug'vor shahri sifatida e'tirof etiladi. Muarrixlar asarlarida islom olamining «Madinat ul-rijol» (Mardlar shahri) unvoniga musharraf bo'lgan Termizni «zardushtiyar, baqtrlar, so'g'diylar, yunonlar, buddaviylar, eftaliylar tarixini bag'rida jamlagan, ularning o'zaro uyg'unlikdagi tamadduni uchun zamin bo'lgan, ilm-fan va madaniyatlar chorrahasidagi shahar», deb ataganlar. Bu shahardan nafaqat Sharq, balki dunyo ilm-fani, madaniyati, tamadduniga katta hissa qo'shgan ko'plab allomalar yetishib chiqqan. Termiziy nisbasi bilan faoliyat yuritgan Solih ibn Muhammad at-Termiziy, Solih ibn Abdulloh at-Termiziy, Al-Jarud ibn Muoz at-Termiziy, Sobir at-Termiziy, Samandar at-Termiziy, Ali ibn Hasan at-Termiziy, Hakim at-Termiziy, Abu Bakr Muhammad ibn Varroq at-Termiziy kabi yuzlab allomalar ilmfanning turli sohalarini bo'yicha beqiyos meros qoldirganlar.

YAXSHI DO'ST

Men bo'sh vaqtlarimda she'rlar yozishni, badiiy kitoblar mutolaa qilishni yoqtiraman.

Chunki ko'p kitob o'qish kishining dunyoqarashini kengaytirib, so'z boyligini oshiradi. Bu esa men uchun juda muhim, yozgan she'rlarimda eng chiroyli iboralaridan foydalanishni juda istayman. Bunda bizga kitobxonlik yaqindan yordam beradi. Tengdoshlarim bilan o'qigan kitoblarimiz yuzasidan bahs-munozaralar yuritamiz.

Aziz tengdosh, siz ham ko'proq kitob o'qing, zero, insonga kitobdan yaxshi do'st topilmaydi.

Xursanoy MAMATQULOVA,
Termiz shahridagi 3-umumta'lim
maktabining 6-«E» sinf
o'quvchisi

Bizning maktab ingliz tili faniga ixtisoslashtirilgan bo'lib, shahar miqyosida o'z mavqeiga egaligi bilan ajralib turadi. Ingliz tili o'qituvchilaridan D. Choriyeva, M. Mo'minova, S. Gulboyeva, B. Tangirqulova biz o'quvchilarga ingliz tili fanidan saboq beradi.

Maktabimizda to'garaklar juda yaxshi tashkil etilgan.

Muallimlarimiz biz o'quvchilarni guruhlariga bo'lib, turli o'yinlar orqali darsni tushuntiradilar. Men ingliz tili to'garigiga muntazam qatnashib kelmog'daman, chunki kelajakda tarjimon bo'lish istagim bor. Bunda ustozim Dinara Choriyeva menga katta ko'mak beryaptilar. Biz ular bilan darslikdan tashqari kitoblardan mashqlar bajaramiz, tarjimalar qilamiz.

Maktabimizda turli fanlar yuzasidan musobaqalar, anjumanlar, sport musobaqalari va «Kamolot» festivallari ham o'tkazilib kelinadi. Kuni kecha maktabimizda «Orasta qizlar» ko'rik-tanlovi bo'lib o'tdi. Bunda qizlarimiz o'z mahoratlarini ko'rsatib, faxrli o'rinlarga ega bo'ldilar.

Bizning barcha ibratli ishlarimizga mehribon va jonkuyar sinf rahbarimiz Dilbar Qulmatova bosh bo'ladilar. Buning uchun Dilbar opadan va barcha ustozlarimizdan minnatdormiz.

Dilfuza RUSTAMOVA,
Denov tumanidagi 10-ixtisoslashtirilgan
davlat umumta'lim maktabining 6-sinf o'quvchisi

MEHR NURI YOG'ILGAN DARGOH

O'zbekistonimizning janub gavhari bo'lmish Surxondaryo viloyatining markazi Termiz shahridagi 12-Mehribonlik uyida zamonaviy davlat ta'lim standartlari asosida chuqur bilim olish, sport bilan shug'ullanish, o'zlari yoqtirgan to'garaklarga qatnashish hamda maroqli dam olishlari uchun tarbiyalanuvchilarga barcha shart-sharoitlar yaratib berilgan.



Ikromov hamda Nodira Amonqulova faxrli 3-o'rinlarni qo'lga kiritib, oltin, kumush va bronza medallari sohibi bo'lishdi.

Shuningdek, «Orasta qizlar» ko'rik-tanlovining Respublika bosqichida Surxondaryo viloyati 3-o'rinini qo'lga kiritdi. Bunda Mehribonlik uyi tarbiyalanuvchisi Shahzoda Shogambarova ham o'z tengdoshlari qatorida o'zining chuqur bilimiga ega ekanligini namoyon qila oldi.

Shuni ham ta'kidlab o'tish joizki, Mehribonlik uyi qoshida yordamchi xo'jalik faoliyati ham yo'lga qo'yilgan bo'lib, unda chorva mollari va asalarichilikni ko'paytirish ishlari olib borilmoqda.

Yaqinda Prezident archasi atrofiga Qorbobo, Qorqiz, ertak qahramonlari ishtirokida qiziqarli tomoshalar tashkil etildi. Quvnoq o'tgan bayram tadbirida barcha tarbiyalanuvchilarga Prezident sovg'asi topshirildi.

Bolalarning shodon chehrasidagi kulgi, tabassum yil davomida ularni aslo tark etmasin!



ORZULARIM BESHIGI — MAKTAB

**Agar dunyo imoratlari
ichida eng ulug'i
maktab bo'lsa, eng
ulug'vor kasb bu
o'qituvchilikdir.**



Qalbi osmon bolalar

SEVIMLI NASHRIMIZ

**Men 7-«V» sinf o'quvchilariga rahbarlik qilaman.
Sevimli nashrimizga bu yil ham obuna bo'ldik.
Bolalarning quvnoq hayotidan zavqlanib, bo'sh
vaqtlarimda ularga atab she'rlar yozib turaman.
Tahririyatga yangi she'rlarimdan jo'natyapman.**

Bag'rikenglik odati bor

Muqaddas deb bilar burchin,
Ezgu ishga sarflar kuchin.
Xizmat qilar yurti uchun,
Bir-biridan sara bari,
O'zbekiston askarlari.

Xush kelishgan qomati bor,
Har bir ishda omadi bor.
Bag'rikenglik odati bor,
Bir-biridan sara bari,
O'zbekiston askarlari...

Xolboy SHERDONOV,
Sherobod tumanidagi
19-umumta'lim maktabi
o'qituvchisi

XALOSKOR – ELGA MADADKOR



Ular baland tog' dovonlariga xuddi qoplondek tez va oson ko'tariladilar. Suvda esa baliq kabi mahorat bilan suzadilar, olov ichiga samandar qush kabi kirib

Barchamizga o'quvchi, o'qituvchi, uchuvchi kabi so'zlar qanchalik tanish bo'lsa, qutqaruvchi so'zi ham shunchalar yaqindir. Chunki qutqaruvchilik ham sharaflı, qadrli va shu bilan birga, g'oyat mashaqqatli kasblardan biridir. Favqulodda vaziyatlarda qutqaruvchilar insonlarni ofat va falokatlardan asrab qoladilar, ularning hayotini talofatlardan xalos etadilar. Shu sababli, ularni xaloskorlar deb ataymiz. Chindan ham, xaloskorlar el madadkoridir.

boradilar.

Maktablarimizda, kollejarimizda qutqaruvchilar bilan uchrashuvlar, davra suhbatlari, o'quv mashg'ulotlari ko'p o'tkazib turiladi. Bundan maqsad, sizdek o'quvchilarni favqulodda vaziyatlar yuzaga kelganda, to'g'ri va aniq harakat qilishga o'rgatishdir. Shundan kelib chiqib, ta'lim muassasalarida hamda yozgi dam olish maskanlarida Fuqaro muhofazasi kunlari, Yosh qutqaruvchilar musobaqalari o'tkaziladi. Musobaqalar davomida maxsus texnikalarning ko'rgazmalari, amaliy

o'quv mashqlari tashkil qilinadi.

Darvoqe, shuni ham aytish kerakki, ko'plab siz kabi o'quvchi-yoshlar kelajakda ana shunday sharaflı kasbni tanlab, jasoratli va mahoratli qutqaruvchi bo'lib, el-yurtimiz xotirjamligi yo'lida sidiqdildan xizmat qilishni dillariga tukkanlar.

Shunday ekan, ezgu savobli maqsad yo'lida fidoyilik bilan xizmat qilayotgan sharaflı kasb sohiblari – qutqaruvchilarga mustahkam salomatlik, oilaviy xotirjamlik tilab qolamiz.

Dilshod RAJAB

Surxon tog'lari bag'rida shunday bir go'zal maskan bor. Bu maskanda ko'ksi tog'lardek baland, mard, tanti odamlar yashaydi. Tuman markazidan ancha uzoqda joylashgan «Duoba» mahallasiga yo'lingiz tushsa, go'zal tabiat quchog'ida ko'nglingiz yayraydi.

Tog', yo'lingizdan chiqqan bepoyon archazorlar orasidan kakliklarning kakra-kaklab kuylayotgani-yu, har zamonda quyonlarning dikirlab yugurganiga ko'zingiz tushadi.

TOG'LARDAGI BEQIYOS MASKAN

450 dan ziyod xonadon istiqomat qiladigan duobaliklarning asosiy daromad chorvachilik, bog'dorchilik, dehqonchilikdan iborat.

Olis tog' qishloqlarida yaqin o'tgan davr ichida ko'plab xayrli ishlar amalga oshirildi. O'tgan yili

mahallaga yaqin joyda Boysun qishloq xo'jaligi va servis kolleji ishga tushirildi. Bu kollejda nafaqat Duoba, balki qo'shni «Qo'rg'oncha» mahallasi o'quvchilari ham tahsil olmoqda. Bu tog'da yashovchi aholi uchun nihoyatda katta voqea bo'ldi.

Duoba mahallasida uchta maktab bo'lib, ularda 500 dan ziyod o'quvchilar ta'lim-tarbiya olishadi. Ayniqsa, 17-umumta'lim maktabi qurilgandan keyin o'quvchilarning ilm olishlari uchun keng imkoniyatlar eshigi ochildi. Negaki, ilgari maktabda o'quvchilarning ta'lim olishlari uchun sinfxonalar yetishmasdi. Endi esa yangi maskanda o'quvchilar yayrab o'qishyapti. Yangiliklardan yana biri Duobada boshlang'ich sinflarga mo'ljallangan, zamonaviy jihozlarga ega 140 o'rinni maktab binosining ishga tushirilishi mahalla aholisiga ajoyib tuhfa bo'ldi. Muassasa qurilishida maktab direktori Isroil Ahmedov bosh-qosh bo'ldi.

Ayni kunlarda yangi maktabda ta'lim olayotgan 3-sinf o'quvchisi Ulug'bek Amonqulov qalbidagi quvonchini yashirolmasdan:

– Dunyoda bizning maktabimizdan go'zal maskan bo'lmasa kerak. Shunday ekan, biz doimo a'lo baholarga o'qishga ahd qildik, – deydi.

Olis tog' qishloqlarida bu kabi ajoyib maktablar barpo etilayotgani davlatimizning yoshlarga bo'lgan cheksiz g'amxo'rliigi namunasidir. Shunday ekan, yoshlarimiz o'zlarining bilim va salohiyati bilan kelajakda yurtimiz bayrog'ini ko'klarga ko'tarishadi, degan umiddamiz.

Izzat AHMEDOV

SHOGIRDLARIM – MENING QUVONCHIM

– Sariosiyoda 74 ta umumta'lim, 19 ta maktabgacha ta'lim muassasasi hamda «Barkamol avlod» bolalar markazi faoliyat ko'rsatmoqda, – deydi tuman XTMFMT va TE bo'limi rahbari Ahmadjon BOBOYEV.

Tuman yoshlari umumta'lim maktablarining 9-sinf o'quvchilari o'rtasida o'tkaziladigan fan olimpiadasidagi samaradorlik bo'yicha respublika miqyosida 11-o'rinda, viloyatda besh yildan buyon faxrlı 1-o'rinni egallab kelmoqda. Bu muvaffaqiyatga 3-, 12-, 29-, 38-, 55-, 58-, 62- va 68-umumta'lim maktabi o'quvchilarining qo'shgan hissasini alohida qayd qilish lozim.



Hamroqul MINGBOYEV tumandagi barcha ibratli ishlarning ishtirokchisi

5–8-sinf o'quvchilari o'rtasida o'tkazilib kelinayotgan «Bilimlar bellashuvi»da ham o'quvchilarimiz faol qatnashib, o'tgan yillar mobaynida respublika bosqichida 68-umumta'lim maktabining 7-sinf o'quvchisi Tamanno Boboqulova 3-o'rin, 9-umumta'lim maktabining 8-sinf o'quvchisi Shukrona Sirojiddinova o'zbek tili fanidan 3-o'rinni egalladilar. Respublikada g'olib deb topilgan o'quvchilar orasida 68-umumta'lim maktabi o'quvchisi 95 ball to'plaganligi sababli maktab jamoasi respublikada yuqori o'rinni, barcha ishtirokchilar erishgan natijalari

bo'yicha tumanimiz jamoasi yetakchi o'rinni egalladi.

O'tgan yilda

«Yilning eng yaxshi maktab direktori» ko'rik-tanlovining respublika bosqichida 6-umumta'lim maktabi direktori Maxfirat Ne'matullayeva, 62-umumta'lim maktabi direktori Rahobza Qorayeva faxrlı 1-o'ringa sazovor bo'ldi.

2014-yilda «Barkamol avlod» bolalar markazi o'quvchilari «O'zligindan aylanay, o'lkam» tanlovida viloyatda birinchi, respublikada 3-o'rinni egallashdi.

Bundan tashqari, taniqli ijodkorlar, oliy o'quv yurtlarining professor o'qituvchilari, qo'yingki, el ardog'idagi insonlar bilan ijodiy uchrashuvlar o'tkazish tuman maktablarida yaxshi an'anaga aylangan. O'quvchilar bu tadbirlar tufayli olam-olam taassurotlarga ega bo'ladilar. Bunday anjumanlarni har tomonlama sarmazmun va qiziqarli o'tishida Ahmadjon Boboyev hamisha kamarbasta. O'tgan yilning may oyida tuman maktablarida o'tkazilgan adabiyot va san'at kunlarida bu fidoyi insonning tashabbuskorligiga havasimiz kelib, ko'nglimizda u kishining faoliyatini kengroq yoritish istagi tug'ilgandi. Mavridi kelib, Surxondaryo viloyat o'quvchilari uchun maxsus son tayyorlash jarayonida Ahmadjon aka haqida batafsil to'xtalmoqchi edik. Lekin bu gal ham aytganimiz bo'lmadi. Domla o'zlari emas, balki hamkasblari va iqtidorli o'quvchilar haqida gapirishni ma'qul ko'rdilar. Ish odami mana shunday bo'ladi, degan yupanch bilan qoldik. Ustoz va uning shogirdlari yutug'i yanada ko'payishiga esa ishonchimiz komil. Chunki bu borada barcha shart-sharoitlar muhayyo etilgan.



THE LITTLE PINK ROSE

Lesson 19

Once there was a little pink Rosebud and she lived down in a little dark house under the ground. One day she was sitting there, all by herself and it was very still. Suddenly, she heard a little TAP, TAP, TAP, at the door.

«Who is that?» she said.

«It's the Rain and I want to come in» said a soft, sad, little voice.

– No, you can't come in, – the little Rosebud said.

By and by she heard another little TAP, TAP, TAP on the window pane.

«Who is there?» she said.

The same soft little voice answered, «It's the Rain, and I want to come in!»

– No, you can't come in, – said the little Rosebud.

Then it was very still for a long time. At last, there came a little rustling, whispering sound, all round the window: rustle, whisper, whisper.

«Who is there?» said the little Rosebud.

«It's the Sunshine», said a little, soft, cheery voice, «and I want to come in!»

«N-no», said the little pink rose, «you can't come in» and she sat still again.

Pretty soon she heard the sweet little rustling noise at the key-hole.

«Who is there?» she said.

«It's the Sunshine», said the cheery little voice and I want to come in, I want to come in!

«No, no» – said the little pink rose, «you cannot come in».

By and by, as she sat so still, she heard TAP, TAP, TAP, and rustle, whisper, whisper, all up and down the window pane and on the door, at the key-hole.

«Who is there?» she said.

«It's the Rain and the Sun – said two little voices, together, «and we want to come in! We want to come in! We want to come in!»

«Dear, dear!» said the little Rosebud, «if there are two of you, I suppose I shall have to let you in».

So she opened the door a little wee crack, and they came in. And one took one of her little hands, and the other took her other little hand, and they ran, ran,

ran with her, right up to the top of the ground. Then they said, –

«Poke your head through!»

So she poked her head through and she was in the midst of a beautiful garden. It was springtime, and all the other flowers had their heads poked through and she was the prettiest little pink rose in the whole garden.



SINGULAR AND PLURAL (Birlik va ko'plik)

Ingliz tilida sanaladigan otlarga -s qo'shimchasini qo'shish orqali ko'plik yasaladi:

Singular

a nice place
a week



a flower

Plural

many nice places
six weeks



some flowers

Agar so'zlarning oxiri -s, -sh, -ch, -x, va -o harflari bilan tugasa, ularga -s emas, -es qo'shimchasi qo'shiladi: bus - buses, dish - dishes, photo - photos.

So'z oxiri -y bilan tugasa, u -ies ga o'zgaradi, -f esa -ves ga: baby - babies, dictionary - dictionaries, shelf - shelves, knife - knives.

Ushbu otlar ingliz tilida har doim ko'plikda ishlatiladi: scissors, glasses, trousers, jeans, shorts, pyjamas, tights. For example:

Do you wear glasses?
I need the scissors.
Where are they?

Lekin istisno holat ham mavjud bo'lib, bunda ushbu so'zlarga -s yoki -es qo'shimchasi qo'shilmaydi, aksincha, ularning o'zagi o'zgarishi orqali ko'plik yasaladi:

One foot - two feet	A woman - some women	A mouse - some mice
A man - two men	A child - many children	A sheep - two sheep



A tooth - thirty two teeth
A goose - some geese
A person - many people



Ibrohim FAYZIRAHMONOV

IT IS INTERESTING

(Bu qiziq)

See (ko'rmoq) – is the ability to use your eyes.

Look (ko'rmoq) – often means to look carefully, pay attention to something that is not moving.

Watch (tomosha qilmoq) – often means to pay attention to something this is moving.

For example: I can't see a thing without my glasses.

Do you watch TV every day?

I can't find my keys and I've looked everywhere.

TONGUE TWISTERS

(Tez aytishlar)

Kitty caught the kitten
in the kitchen.

I scream you scream we
all scream for ice
cream...as a good

Not these things here, but
those things there.

Eleven owls licked eleven
little liquorice lollipops.

Umida UMAROVA

Check yourself (O'zingizni sinab ko'ring)

Write the numbers in words.

17 seventeen

29 _____

37 _____

43 _____

59 _____

62 _____

74 _____

88 _____

91 _____

100 _____

Farangiz RAHIMOVA

Riddles

(Topishmoqlar)

Two brothers live together,
But they can't see each other.



It hasn't mouth but it has teeth,
And has a work on our head.



Zilola JAMOLOVA

BUYUK AJDODLARIMIZ MEROSI

Abu Iso at-Termiziyning buyuk alloma, ulug' muhaddis sifatida ulug'lanishi bejiz emas. Allomaning to'liq ism va nasabi Muhammad ibn Iso ibn Savra bin Muso ibn Zuhok as-Sullamiy al-Bug'iy at-Termiziy deb aytiladi. Uning ismidagi Abu Iso kunyasi hisoblanadi.

As-Sullamiy, al-Bug'iy, at-Termiziy nisbalari allomaning ajdodlari tug'ilgan joyi, yashagan maskaniga nisbatan olingan. Muhammad ibn Iso hijriy 209-milodiy 824-yilda Bug' qishlog'ida, endilikda Sherobod tumanidagi Chuqurko'l qishlog'ida dunyoga kelgan. Yoshlik yillarida uning qalbida hadisshunoslik ilmiga muhabbat uyg'onadi. Bu ilmni

mukammal egallash uchun Iroq, Xuroson o'lkalariga, Makka, Madina, Damashq shaharlariga borib, ulug' allomalardan ilm al-qiroat, al-bayon, fiqh, tarix, falakiyot kabi fanlarni chuqur o'rganadi. Bu keyinchalik uning ulug' mutafakkir, qomusiy alloma darajasiga yetishishiga xizmat qiladi.

Abu Iso at-Termiziy hadis ilmiga bag'ishlab ko'plab asarlar yozgan. Shulardan aksariyati, «Kitob at-tarix» («Tarix kitobi») bizning davrimizgacha yetib kelgan. Allomaning eng mashhur asari «Al-jome' as-sahih» («Ishonchli to'plam»)dir.

Abu Iso Muhammad at-Termiziydan boy ilmiy meros qoldi. Uning asarlarining qo'lyozmalari bugungi kunda

dunyoning turli kutubxonalarida, muzeylari va xazinalarida saqlanmoqda. Uning «Al-jome' as-sahih», «Ash-shamoil an-nabaviya» asarlari islom dorilfununlarida o'qitilmoqda. Ma'lumki, alloma

Allomaning «Sunani at-Termiziy» asaridan

- ✗ Ikki narsa borki, ko'pchilik ularning qadriga yetmaydi. Biri – sog'lik, ikkinchisi – bo'sh vaqt.
- ✗ Hech biringiz ezigulik ishini kichkinasini ham e'tibordan qoldirmangiz.
- ✗ Yaxshi xulq ochiq yuzlikdir, ezigulikni yoyish va odamlardan aziyatni uzoqlashtirishdur.
- ✗ Yaxshilik qilish umrni uzaytiradi.
- ✗ Salomlashishning eng ulug'i qo'l ushlashib ko'rishmoqdur.

asarlarini arab tilida yozgan. Endilikda bu asarlarning bir qismi g'arb va sharqning o'ndan ortiq tillariga o'girildi. Ko'plab sharhlar yozildi. «Ash-shamoil an-nabaviya»ning XVI asrga oid bir qo'lyozmasi Toshkentda Movarounnahr musulmonlari idorasi kutubxonasida saqlanmoqda. U bir necha bor qaytadan nashr qilindi. «Sunani Termiziy» asari o'zbek tiliga tarjima qilindi. Hozirgi paytda allomaning boshqa asarlarini ham turli tillarga tarjima qilish va ularni ilmiy tadqiq etish borasida ishlar olib borilmoqda. Keyingi yillarda mam-lakatimizda alloma nomini ulug'lash, xotirasini abadiylashtirish borasida ham xayrli ishlar qilindi.

ALPOMISHGA ALLA AYTGAN EL

Surxon vohasi qadimdan bilim o'chog'i bo'lgan. U muqaddas tuproqdan sayyohlarning qadami hech qachon uzilmaydi. Termiziylarning tabarruk izlari bor bu ona zaminda qancha ulug' allomalar o'tganligi haqida tarix sahifalarida keng yoritilgan. Alpomishga alla aytgan elning alp farzandlari dunyo maydonlarida o'zlarining kimligini namoyon etmoqda. Siz uchun guldasta etmoqchi bo'lganimiz, ijod olamining gulzorlaridan gul saralab, qalblardan yo'l izlayotgan sohir so'z egalari ko'ngil bitiklari arg'umonidir. Sahifamiz mehmoni bo'lgan surxondaryolik yoshlar ijodi sizning ham ko'nglingizni tog'dek ko'taradi, degan umiddamiz.

TINCHLIK ELCHISI

Tinchlik elchisi bo'lib, Ko'kka uchar kabutar. Ummonlardan zavq olib, Keltiradi xushxabar.



Xushxabaring bizlarga, Baxt keltirsin ilohim. Barcha el-u xalqlarga, Tinchlik tilayman doim.

Yulduz XO'JAMURODOVA,
Qiziriq tumanidagi 49-umumta'lim maktabining 8-sinf o'quvchisi

Gazetamizning doimiy muxlislaridan biri Oltinsoy tumanidagi 30-umumta'lim maktabining 6-sinf o'quvchisi Zulfizar Rajabova 2014-yilni muvaffaqiyatlar bilan yakunladi.

Yosh ijodkorning «Oymomoning ertagi» nomli kitobi bosmadan chiqdi. «Kamalak yulduzlari – 2014» festivalining respublika bosqichida faol ishtirok etdi.



OMON BO'LING

Bo'ldi go'zal bir zamon, Yashaymiz dorilamon, Vatan biz-la topdi shon, Omon bo'ling, yurtdoshlar.

Tinchliksevar eldirmiz, Qalbi toza, nurlu yuz, Buyuk yo'lga chiqdik biz, Omon bo'ling, yurtdoshlar.

Ezigulik bo'ldi mayoq, Hilpirar ko'kda bayroq, Dildan so'z kelar shu choq, Omon bo'ling, yurtdoshlar.



HUMO QUSHI AYLASIN PARVOZ

Bir Vatan bor bu olam ichra, Qadim elim, jonim-jahonim. Bobolardan qolgan merosim, Aziz yurtim, O'zbekistonim.

Sen yashaysan jajji qalbmida, Osuda, tinch bog'-u bo'stonim, Gullab yashna, soyabonimsan, Ona yurtim, O'zbekistonim.

Humo qushi aylasin parvoz, Mangu obod hur gulistonim. Bor bo'l ushbu ko'hna zaminda, Navqironim, O'zbekistonim.

Mahliyo RAVSHANOVA,
Boysun tumanidagi 2-umumta'lim maktabining 8-«B» sinf o'quvchisi

TABIATGA KO'NGIL BOG'LASANG

Bu lahzalar nodir va kamyob, Quchoq'iga o'zingni otgil. Yuragingni tubida turgan, Shiringina so'zingni aytgil.

Dov-daraxtga to'yguncha termil, Oqib kirsin ruhingga gullar. Maysalarni beg'ubor do'st bil, Ishonchingni oqlaydi ular.

Hislar tiniq, tuyg'ular asl, Sen sog'ingan baxt bu ilg'asang. Bo'laverar, tushunar fasl, Tabiatga ko'ngil bog'lasang.

Zulfizar XUDOYQULOVA,
Uzun tumanidagi Maishiy xizmat kasb-hunar kolleji o'quvchisi

KELAJAGI BUYUK MAKON

Vatanimdir go'zal bo'ston, Bag'ring erur jannatmakon. Shaharlaring go'zal biram, O'zbekiston, O'zbekiston!

Farzandlaring bir tan-u jon, Bir-birigadir mehribon. Kelajagi buyuk makon, O'zbekiston, O'zbekiston!

Qishloqlaringdir farovon, Qayga boqsang obod har yon. Seni tanir butun jahon, O'zbekiston, O'zbekiston!



Sevara TOSHTEMIROVA,
Sherobod tumanidagi 56-umumta'lim maktabining 7-«B» sinf o'quvchisi



QUYOSHIMSIZ, ONAJON

Ro'zg'orimiz bekasi, Ko'nglimiz farishtasi, Uyimiz sarishtasi, Quyoshimsiz, onajon.

Issiq yoz kunlari ham, Sovuq qish tunlari ham, Hamma narsa jamuljam, Dildoshimsiz, onajon.

Bizga har kun muallim, Shakllansin deb bilim, Hayotdan berar ta'lim, Sirdoshimsiz, onajon.



Konga o'xshar mehringiz, Gulga qiyos yuzingiz, Nurga to'la izingiz, Yo'ldoshimsiz, onajon.

Tamanno BOBOQULOVA,
Sariosiyo tumanidagi 68-umumta'lim maktabining 7-sinf o'quvchisi

VOHANING YOSH CHEMPIONLARI

Bugungi kunda yurtimizda bolalar sportini rivojlantirish borasida amalga oshirilayotgan ishlar bois, jahon arenalari Vatanimiz sharafigi munosib himoya qilayotgan yosh sportchilarning g'alabalari yildan yilga ortib bormoqda.



Respublikamizning barcha hududlari, hatto olis qishloq va ovullarda ham muhtasham va zamonaviy sport inshootlarining foydalanishga topshirilayotgani, mazkur inshootlarning sport anjomlari, zarur jihozlar hamda malakali murabbiylar bilan ta'minlanayotgani, joylarda turli sport musobaqalari tashkil etilayotgani o'g'il-qizlar o'rtasida sportni ommalashtirish, ularning g'alabaga bo'lgan intilishini kuchaytirishda muhim ahamiyat kasb etmoqda.

Bu borada Surxondaryo viloyatida amalga oshirilayotgan ishlar ham e'tiborga molik.

Jumladan, viloyat xalq ta'limi tizimida 2777 nafar jismoniy tarbiya o'qituvchilari faoliyat ko'rsatib, sport bilan muntazam shug'ullanuvchi o'quvchilar 163365 nafarni tashkil etadi.

O'tgan yili respublikamiz hamda xalqaro miqyosda

o'tkazilgan turli musobaqalarda surxondaryolik yoshlar sovrinli o'rinlarni qo'lga kiritishdi. Tailandda sportning muay-tay turi bo'yicha bo'lib o'tgan jahon chempionatida Sho'rchi tumanidagi 36-umumta'lim maktab o'quvchisi Nozimbek Umarov faxrli 1-o'rinni qo'lga kiritib, oltin medal sohibi bo'ldi.

Shuningdek, Rossiya Federatsiyasining Kaliningrad shahrida bo'lib o'tgan taekvando WTF sport turi bo'yicha xalqaro turnirda Termiz shahridagi 13-umumta'lim maktab o'quvchisi Najmiddin Qosimhojiyev 32 kg. vaznda 1-o'rin, Jarqo'rg'on tumanidagi 41-umumta'lim maktab o'quvchisi Mohira Raimjonova 49 kg. vaznda 2-o'rin, shu maktab o'quvchisi Kimyo Eshboyeva 68 kg. vaznda 3-o'rin sohiblari bo'lishdi.

Toshkent shahrida bo'lib o'tgan yengil atletika bo'yicha

respublika chempionatida Termiz shahridagi 1-umumta'lim maktab o'quvchisi Ozoda Ibragimova kumush medal sohibi bo'ldi.

Futbol bo'yicha o'tkazilgan an'anaviy XVIII futbol musobaqasining hududiy saralash bosqichida Qumqo'rg'on tuman Davlat ixtisoslashtirilgan maktab-internati jamoasi katta yosh guruhi 1999-2000-yillarda tug'ilganlar o'rtasida 1-o'rinni, kichik yosh guruhi 2001-2002-tug'ilganlar o'rtasida 3-o'rinni egallab, Respublika final bosqichiga yo'llanmani qo'lga kiritishdi.

«Umid nihollari-2014» sport musobaqalarining viloyat hududiy bosqichi 4 ta hududga bo'linib o'tkazildi. Musobaqalarda jami 2992 nafar, shundan 1064 nafar qizlar ishtirok etishdi.

«Sog'lom bola yili» Davlat dasturida belgilangan vazifalarni bajarish hamda joylarda sport inshootlaridan samarali foydalanish, jismoniy tarbiya va sportni rivojlantirish maqsadida «Quvnoq startlar» sport musobaqasining viloyat bosqichi bo'lib o'tdi.

Musobaqa yakuniga ko'ra Muzrabot tumani 14-umumta'lim maktabining «Qo'ng'iro't» jamoasi 1-o'rin, Qumqo'rg'on tumani 2-umumta'lim maktabining «Parvoz» jamoasi 2-o'rin, Denov tumani 27-umumta'lim maktabining «Qaldirg'och» jamoasi hamda Sho'rchi tumani 34-umumta'lim maktabining «Lochin» jamoasi 3-o'rinni egalladi.

Shuningdek, maktabgacha ta'lim muassasalari tarbiyalanuvchilari o'rtasida ham «Kichikintoy-shirintoy» musobaqasi ikki bosqichda o'tkazildi. Musobaqa yakuniga ko'ra 1-o'rinni Sherobod tuman 2-MTM, 2-o'rinni Jarqo'rg'on tuman 7-MTM, 3-o'rinni Uzun tuman 1-MTM jamoalari egallashdi. Musobaqada jami 140 nafar tarbiyalanuvchilar ishtirok etishdi.

Bu esa sport yurtimizning barcha hududida birdek rivojlanayotgani, viloyatlarda barpo etilayotgan zamonaviy va muhtasham sport inshootlarining yetarli sharoitga ega ekanidan, iste'dod egalari har tomonlama qo'llab-quvvatlanayotganidan dalolat beradi.

boshqarmasiga qarashli 1-bolalar va o'smirlar sport maktabi ham hozirda respublikamizda o'z nufuziga ega dargohlardan biriga aylanib ulgurdi. Yoshlarning sevimli maskaniga aylangan ushbu majmuada 581 nafar o'g'il-qiz yurtimiz va xalqaro musobaqalarda faol ishtirok etib kelishmoqda. E'tiborlisi, uch yuzdan ziyod sportchi qizlar badiiy gimnastika bilan muntazam shug'ullanishmoqda.

Muhammadsodiq ALIMOV tayyorladi



G'ALABAGA CHORLOVCHI MASKAN

«Agar mendan, eng kuchli, eng baquvvat polvonlar qayerda yashaydi, deb so'rasa, hech ikkilanmasdan, avvalo, Surxondaryoda, deb aytgan bo'lardim».

Prezidentimizning Termiz shahriga Amir Temur ordenini topshirishga bag'ishlangan tantanali marosimdagi nutqida keltirgan ta'riflari bu zaminda voyaga yetayotgan jismonan barkamol yoshlarga naqadar yarashadi.

Viloyatda bolalar sportini rivojlantirish, yoshlarni sportga jalb etish maqsadida zamonaviy jihozlarga ega sport inshootlaridan foydalanishni keng yo'lga qo'yish borasida qator ishlar amalga oshirildi. Bugungi kunda Termiz shahridagi 16-sonli bolalar va o'smirlar sport maktabida yarim millionga yaqin yoshlar sportning kurash, boks, dzyudo, badiiy va

sport gimnastikasi turlari bo'yicha shug'ullanib kelmoqda. Endilikda maskan sportchilari nafaqat mamlakatimiz, balki xalqaro musobaqalarda ham sovrinli o'rinlarni egallamoqda.

Shuningdek, mazkur shahardagi Surxondaryo viloyati Xalq ta'limi



QO'LIMDA DUTORIM

Vatan madhin kuylayman

– Dutorni barmoq emas, yurak chaladi, deyishadi. Shu sababdan ham u yuraklarga yetib boradi, – deydi Termiz shahridagi 11-umumta’lim maktabining 6-«G» sinf o’quvchisi Durdona Qurbonova.

«Kamalak yulduzlari–2014» bolalar ijodiyoti festivalining respublika bosqichi sovrindori Durdona maktabda a'lo baholarga o'qish bilan birga, musiqa bilan ham shug'ullanadi. Kelgusida o'zining yoqimli kuy-qo'shiqlari bilan atrofdagilarga ezgulik ulashish istagida. Biz esa unga omad tilaymiz va orzularing ijodat bo'lsin, deymiz!




BO'SH O'TIRMAY, BOSH QOTIR!

«SERQUYOSH DIYOR» AYLANMA KROSSVORDI

1. Termizdagi suv sporti maskani. 2. Rangtasvir ustasi, O'zbekiston xalq rassomi. 3. Ovlanadigan sayroqi tog' qushi. 4. Termiz tumanidan o'tuvchi daryo. 5. Qumqo'rg'on tumanidagi naschilik-qorako'lchilik xo'jaligi. 6. Viloyatning Amudaryo sohilidagi ko'hna shahar xarobasi. 7. Cho'l hududiga xos bira giyohi. 8. Jarqo'rg'on tumanidagi neft koni. 9. Boysundon oqib o'tuvchi irmoqlardan biri. 10. Viloyat sharqidagi tizma tog'. 11. Qo'riqlanadigan kamyob jonivor. 12. Sho'rchi tumanidagi shaharcha nomidan: ... bekati. 13. Faoliyat olib borayotgan folklor etnografik ansambl. 14. Sherobod dostonchilik maktabining atqoli ijodkori. 15. Sherobodagi shifobaxsh oromgoh. 16. Xalq dostoni nomi bilan ataluvchi sport majmuasi.

O'OING-CHI!

Chizmaning o'rt qismidagi aylanalaridan bosh harfini topib, bir miqdordagi aylanalarni qoldirib o'qing. Bunda ulardan o'rt asrlarda bir tarmog'i Surxondaryo hududidan o'tgan Sharq va G'arb mamlakatlarini ilk bor bog'lagan karvon yo'lining nomi avon bo'ladi.



Tuzuvchi:
Husan ORIPOV

Maxsus sonni tayyorlashda yaqindan yordam bergan O'zbekiston Respublikasi Xalq ta'limi vazirligining axborot xizmati xodimlariga, Surxondaryo viloyati Xalq ta'limi boshqarmasi boshlig'i Alisher Pardayevga va barcha mutasaddilarga o'z minnatdorchiligimizni bildiramiz.

Maxsus sonni tayyorlaganlar: F.Adilova, F.Matyoqubov, Yu.Abdullayev, A.Karimov,
N.Qidiraliyev, D.Hotamova, J.Matyoqubov, D.Shakirova, O.Tursunboyeva,
N.Abdullayeva, Sh.Maxmadiyev, Z.Mamatqulova.

8

Tong yulduzi

Muassislar:

O'zbekiston Matbuot va axborot agentligi,
O'zbekiston Respublikasi Xalq ta'limi vazirligi,
«KAMOLOT» yoshlar ijtimoiy harakati
Markaziy Kengashi,
«SOG'LOM AVLOD UCHUN» hukumatga
qarashli bo'lgan xalqaro xayriya fondi.

Bosh muharrir
Feruza ADILOVA

Gazeta O'zbekiston Matbuot
va axborot agentligida
0208-raqam bilan 2007-yil
2-fevralda ro'yxatdan o'tgan.

TAHRIR HAY'ATI:
Omonulla YUNUSOV,
Abdug'ani XOLBEKOV,
Bahodir G'ANIYEV,
Svetlana INOMOVA,
Murtazo SULTONOV,
Zoir ISAJONOV,
Sobitxon TURG'UNOV,
Zikrilla TESHAHOYEV,
Feruz JALILOVA,
Sa'dullo TURSIYOV
(Bosh muharrir o'rinbosari),
Feruz MATYOQUBOV
(mas'ul kotib)

Navbatchi
muharrir
Axtamqul
KARIMOV
Rassom
Feruzbek
KAMOL o'g'li

Manzilimiz:
Toshkent shahri,
Voiv ko'chasi, 30-uy.
Indeks: 100129.
buna indeks: 198.
e-mail:
fo@tongyulduzi.uz
www.tongyulduzi.uz

Tel./faks: 244-63-08
Tel./faks:
(99871) 244-38-10

«O'zbekiston»
NMIUda chop etildi.
Tahririyatga kelgan barcha
qo'lyozmalar tahrir qilinadi,
mualliflarga qaytarilmaydi.
Haftaning dushanba kuni
chiqadi.
Shakli A-3, 2 bosma taboq.
ISSN 2010-6092
Adadi – 45000
Buyurtma – S 1884

SHODON O'TAR KUNIMIZ

**Bobojonim kelgan kun,
Nurga to'lar uyimiz.
Buvijonim-la shodon,
O'tar har bir kunimiz.**

Yangi yilimiz «Keksalarni e'zozlash yili» deb nomlanishi sherobodlik yosh ijodkor o'quvchini ham quvontirdi.

Zarina MISIROVA Sherobod tumanidagi 1-umumta'lim maktabining 8-sinfida tahsil oladi. Bo'sh vaqtlarida rasm chizishni yaxshi ko'radigan tengdoshingiz o'zining chizgilarini «Keksalarni e'zozlaymiz», deb nomlabdi.



«TONG YULDUZI» – MENING GAZETAM

Sevimli nashringa birinchilardan bo'lib obuna bo'ldim. Endi tengdoshlarim ijodi bilan bir yil mobaynida muntazam tanishib boraman. Sinfdoshlarimga ham ushbu gazetaga obuna bo'lishlarini tavsiya qildim. Chunki aqlni charxlaydigan krossvordlar, turli mazmundagi she'r-lar-u topishmoqlar, ertaklar, hikoyalarni aynan mana shu gazetadan topish mumkin. Men chizgan rasmlarimdan birini e'tiboringizga havola qilyapman.



Sarvaroy NE'MATULLAYEVA,
Termiz shahridagi 3-umumta'lim
maktabining 3-sinf o'quvchisi



Bunyod XURSANOV,
Surxondaryo viloyati,
Muzrabot tumani



Pokizabonu
QARSHIYEVA,
Jarqo'rg'on
tumanidagi
43-umumta'lim
maktabining 2-«B»
sinf o'quvchisi

SURXONCHA QATLAMA


ayana! ayana!

yoqadigan tandir go'shti-yu sho'rvasini tatib ko'rmagan, qatpatirini yeb ko'rmagan kishi topilmasa kerak. Bugun sizlarga tavsiya qilayotgan pishirig'imiz surxoncha qatlama deb nomlanadi. Uni pishirib ko'ring, og'zingizda erib ketishiga biz kafil.

Kerakli masalliq: 150 gramm mol
og'i, keragicha un, suv, tuz.

Tayyorlanishi: mol yog'i eritilib, teng miqdorda tuzli suv qo'shiladi va yumshoq xamir qoriladi. Yarim soatcha tindirilgan xamir to'rtburchak shaklida yoyilib, orasiga biroz eritilgan mol yog'i surtiladi va konvert shaklida yopilib, yana olib qo'yiladi. Ikki-uch marta shu holat takrorlangach, xamirdan kichik zuvalachalar tayyorlanadi. Har bir zuvalacha yoyilib, orasi yog'lanadi va dumaloqlanadi, so'ngra yoyilib, qizdirilgan yog'da pishirib olinadi. Tayyor bo'lgan qatlamalarni dasturxonga tortishdan oldin ustiga shakar sepihini unutmang.

Yogimli ishtaha!



NARGIZA tayyorladi

19-yanvar 2015